

寒岳集

共十七

~ 16
2437
2



門和
號 2437
17-2

寒岡先生文集卷之一

詩

夙夜齋望仰山

時白雲橫帶山腰微露一角

未出全身面微呈一角竒方知造化意不欲露天機

曉起偶吟

夜宿松間屋晨興水上軒濤聲前後杜時向靜中聞

次玉山韻

媿此長腰折寧非為斗粟塵埃眯兩目何日反初服

別東岡大庵

山中雲共賞梅下酒同傾如何歡未洽還惜別離情

自省

大丈夫心事白日與青天磊落人皆見光芒正凜然

寒岡齋

春帖

翁惟靜坐終日兒亦讀書自修蔬食菜羹亦樂萬般此外何求

望海臺次先祖雪谷先生韻

山容排錦繡澗韻奏我洋銀海君者雨後光新磨鏡面滄始卜海亭示同來諸君子

我欲為亭近海灣坐中誰作蔡西山掩橘梅筠須早植莫教風雨六年間

戊午七月十二日酒席次門下諸生韻

先生壽宴退行是日

悲痛餘懷脉脉長諸賢何用又開觴只緣致慰非為樂多謝清談也滿堂

題晴暉堂

一宿華堂意欲驕更逢佳雨便崇朝溷臯日出雲收盡綠

樹晴暉映小橋

昌山衙閣偶吟二首

失計昌山事事非思之百爾不如歸夢魂不虛名縛夜夜無端遠故磯

官府山林事豈同勞勞役後簿書中民病未醫身病急何如歸卧社窓風

次趙城主伯玉韻二首

寒梅圍屋水圍村松桂陰中不掩關茅簷霽日遙相對一片孤雲數疊山

朱幡不意到窮村顛倒初開久閉關契闊幸承明府問屋邊流水水邊山

題川谷書院誠正堂

舊長來尋新院成却着塵土滿衣纓何年可遂投簪計盡
日晴窓閱古經

平海風月樓次 先祖文簡公圓齋先生韻

古樓名風月其上鳳棲亭嫩柳浮金色踈筠奏玉聲夜憐
新月白朝挹遠山青先祖曾遊地如陪杖屨行

武屹夜詠

峯頭殘月點寒溪獨坐無人夜氣淒為謝親朋休理屐亂
雲層雪迺全迷

以承旨八直次醉上同僚韻

壯志平生老未殘新磨袖裏劍光寒不須凍死虛堂夜白
日同瞻萬國安元韻有龜凍虛堂死亦安之句故及之

甲申春帖

陽回地上天和發何物人間不共春猶幸病夫無外事閉
門終日養吾真

偶吟

春山如錦水如藍風詠冠童共數三若會當時夫子嘆唐
虞氣像許君叅

歎時

內官三百外三千王事留心有幾人 聖上憂勤勞夙夕
羣臣嬉戲醉昏晨

閱昌山舊蹟偶吟

貧未相調病未醫善難為勸惡難治虛名祇誤 楓宸獎
偷取當時五品資

仰和朱夫子武夷九曲詩韻十首

天下山誰最著靈人間無似此幽清紫陽况復曾棲息萬古長流道德聲

一曲灘頭泛釣船風絲繚繞夕陽川誰知捐盡人間念唯執檀檠拂晚烟

二曲佳姝化作峰春花秋葉靚粧容當年若使靈均識添却離騷說一重

三曲誰巖此壑船夜無人負已千年大川病涉知何限用濟無由只自憐

四曲雲收百尺巖巖頭花草帶風鬟箇中誰會情如許霽月天心影落潭

五曲清潭幾許深潭邊松竹自成林幅巾人坐高堂上

說人心與道心

六曲茅茨枕短灣世紛遮隔幾重關高人一去今何處風月空餘萬古閑

七曲層巒遠石灘風光又是未曾看山靈好事驚眠鶴松露無端落面寒

八曲披襟眼益開川流如去復如迴烟雲花鳥渾成趣不管遊人來不來

九曲回頭更喟然我心非為好山川源頭自有難言妙捨此何須問別天

題檜洲草堂

小小山前小小家滿園梅菊逐年加更教雲水粧如畫舉世生涯我最奢

題社倉新構

小小生涯小小家志存容膝更無加半生一熟茅茨下瓦
覆新居便覺奢

無題

月沉空谷初逢虎風亂滄溟始汎槎萬事莫於平處說人
生到此竟如何

次金陝川昌一韻

故人相見即情親燈下依然舊幅巾款款清談風雨夕滿
盤春菜未為貧

檜澗偶吟

伽川於我有深緣占得寒岡又檜澗白石清川終日翫世
間何事入丹田

晴暉堂偶吟

倚軒嘯傲半褰衣正是牛羊日夕歸階上踈篁新葉密澗
邊叢柳舊枝稀魚子淵底無心躍鳶向天邊得意飛萬事
止時都莫說惟思陶子願無違

玉斗詩十三作

瀉池遺璧報祖龍大澤蛇斷悲神母白髮謀臣昧天命鴻
門枉碎雙玉斗當年天地暗風塵草萊群雄期一帶神器
由來力難賭約束先遣劉寬厚百二函關忽見鎖重瞳叱
咤風雷吼鴻門一夕講高會十萬旌旗擁前後乾坤付與
一酬酢天下不知歸誰手舞劍樽前白日昏擁盾幸脫神
龍走崑山剛質作一贅留與謀臣勤稽首如何范公謾遷
怒自擬乾坤容力取當時恨不殺沛公眼電已落盃中酒

東坡先生集卷之二 五
袖裏空藏舉袂手揮來玉屑飛左右不將仁義輔君王縱
碎此物知何有鴻溝明日漢楚別畢竟四海歸劉后衰骸
未過彭城角霸業已隳吳江口吾知王斗賭秦鹿地上神
謀天所授君看虛禮享實福應年綿綿四百久

醉生夢死嘆

受命當年得其秀形肖上下人其名一箇靈臺主萬善妙
用觸處知虛靈通神知化立人極踐形然後能順寧如何
放倒一種人迷老醉夢終不醒朝晝所爲致枯亾可憐生
意無由萌貪殘暴慢賊四端食色臭味淪七情良心發處
私已動正念起時邪先生堪嗟十寒無一曝醉耶夢耶長
昏冥三綱既淪九法數儀依百年甘聾盲自將皇天付界
身隨道迷路墜坑雖然一脈尚碩果生意所以根於貞

喚醒主人豈無道寸膠可使黃流清三軍旗脚勿字上天
君正理要明誠敬義夾持動靜間下梢遂使明德明依然
一朝透覺關得見爺孃與弟兄却怕天日已遲暮俯仰獨
立愁前程

挽詞

挽南冥曹先生

天生豪傑兮惠我東土志大宇宙兮勇邁前古早謝塲屋
兮浩然高翔富貴浮雲兮道味深長忠信為質兮敬義為
學見識迢邁兮風節卓犖進不用世兮退不傳後吾道已
矣兮吾又誰咎萬壘頭流兮山高水潔幾年慳秘兮有待
今日生於馬順兮沒於馬寧祥雲瑞氣兮萬歲千齡虎豹
遠跡兮蛟龍遁藏神物保佑兮撫按不驚小子執紼兮感

念平生九原不作兮誰復儀刑有疑莫質兮有過莫督悵
此身世兮未免墻壁愧我不文兮詩又不成詞以助哀兮
詐盡心情

挽德溪吳先生

風淒淒兮日欲道山冥冥兮雲含愁宿宿懷兮莫余會瞻
曠漠兮淚不收先生去兮返無期薄敎哀兮空夷猶青松
骨兮寒水神玉襲容兮金疑喉聞堯舜之世耿介兮堯衆
芳兮滿九州思偏荒兮溷糞壤皎獨潔一作儂兮一作儂追前修
攬薜芷兮山阿採杜若兮中洲扈江離兮紉秋蘭折瓊枝
兮為着芰荷衣兮芙蓉裳冠切雲兮佩璆璆服飾繁兮爛
熳芳澤雜以紛標將以遺兮美人倚國門而優游荃不察
乎中情混同器兮薰猶時俗巧兮追曲世路隘兮日偷固

異道之難容一作豈方圓之可周喟延佇兮興嘆曾不可
平少留回朕車兮復路塊獨處兮山之幽聊止息兮蕙逕
兮儻佯丘椒丘飲石泉兮蔭松栢覽余初兮猶未休國無
人兮莫我知寧違棄兮改求聞上都之赫戲思駕言兮一
遊令豐隆兮來御詔飛廉兮騰浮八龍駕兮蜿蜿玉鸞鳴
兮啾啾帝開闕兮望余紫微宮一作闕黃金樓留左右兮
共朝夕勤啓沃兮嘉猷開八荒之同春蕩人間之窮憂福
衆善兮禍群亮明日月之雙眸吾知先生之此行兮奮志
願其必酬哀小子之挽不及兮留下都之卑湫收餘芳兮
佩服終身世兮願自由天茫茫兮地悠悠無限情兮寓餘
秋

挽金東岡二首

麗澤潛滋四十年中間合散似雲烟如今又作幽明別世
道交情兩惘然

松栢之操雪月襟溫其如玉粹如金退陶正脉終天慕山
海高風特地欽愛 主危言光史冊憂時直論聳儒林肺
肝相映平生契已矣如今奈破琴

挽柳西厓二首

經幄當年第一人風雲際會近無倫安危至計存邦國獻
替訂謀聳摺紳館閣清如巖壑相林泉憂是廟堂身兩篇
遺劄翰丹悃感淚應沾 聖主巾

傾蓋如今四十年高名盛義已無前廟堂曾見先憂切林
壑翻成獨樂偏公病未能獲我手我病還阻送公阡新秋
此日愁無限衰淚難堪落似泉

挽金叅判功二首

樽酒龜城同五老敘懷時詠隱侯詩寢門重灑無從淚抱
病窮廬獨自悲

師文淵源知有自兩 朝勲業汗青留居閑歲暮憂中樂
琴鶴高風映百秋

挽朴大庵惺四首

周山聞道結精寮此意知君遠世囂靜裡想多深造妙百
年寥落恨難消

亂雲深處我誅茅靜坐難堪憶舊交一笑未成君逝去從
今誰復決疑文

與君小少同鄉井識面從來五十春漸入有如啖蔗境同
心正似斷金人切磋媿我姿資鈍直諫多君德義醇隔閭

還成泉壤別朝天長道淚沾巾

朋友皆零落相親事奈何每思恭叔雅長憶伯愉和養靜
忠難並松庵義最多東岡直誰似季郁貞不磨而子敦清
介伊余賴切磋胡為今又逝老淚獨懸河

卷之二

挽李仲綬

拳拳為善志

文章曾聞古清疎罕見

致愛人心士

周甲子天意固

忘世如何竟老林善道

難謀

挽李承旨文健

鶴癯龍老鳳羈眠人道星山有謫仙筆跡通神今是趙晉
方入妙古之扁以下缺

挽權舍人昕

清名聞說幾春秋往復書緘僅一修輝映使茲聯棟寧寧

京雒露向山丘百年志願方期速四紀光陰奈未周嶺海
甘棠千里外鵲原至痛洩無由

挽尹慶州孝全三首

雅量非今世襟期與古人平生慕前哲出處為偏親官達
初非意幽懷竟莫伸分憂遺愛在盈路共沾巾

傾蓋沸流上長辭泗水濱中間多歲月倏忽一朝曛幸托
忘形契深嘉志道勤從今其已矣無復襲蘭薰

方騁長途遠如何遽至斯風雲際際會麗澤失相資深閣
鸞容慘高堂鶴髮悲近思通解在所造驗於茲

挽成進士彭年

追思甲午歲中秋良友云亡賤末由孝躬仁風宜族黨清
醇雅量伏交遊情親既結音姻好義為偏欽惠詳優聞說

奉遷新附合禮遠標紳淚空流

挽李容齋弘器三首

泣血三年眼欲枯
蓬蒿行路亦潛吁
從來孝子宜天相
仁壽如何遽命終

江上茅茨久未成
幾年於此世經營
滄波晚景君能記
惟有無窮落照明

執筵如今二十春
婚姻情義兩相親
平生閱世宜多見
誠孝如公有幾人

挽郭德修永懷

天道諒難知
君何遽至斯
為官官不顯
享壽壽纔老
負三春報其如
九麥慈古來
固如此何獨
為君悲

挽李景發天培

四十年餘一草廬
頽然風度秀而踈
人稱孝友人難及
我愛真醇我不如
才莫用時非所恨
學未究竟實堪歎
老夫又失知心契
獨立清秋淚滿裾

挽鄭平甫二首

初搨清揚日電光
二十春我常敦勉
學君自謹持身世
路誰知已家庭行
出入從今朋會
感思子幾傷神

朋遊零落盡歎
息此餘生悃悃
無如子丁寧
摠是情未嘗
趨勢利亦不慕
功名擬結殘年
契所令老淚傾

挽朴軍威齊仁二首

郡符初佩日竊幸
挹高風隱德
心亮俗貞操
起懦衷天資
人解敬獨學
孰知功重奉
嗟難送殘春
哭病翁

深醇寧復有
厚重是吾師
筮仕分憂日
知來問路時
蓬蒿

安性分軒冕斷心期游息平生地烟霞滿目悲

挽朴秀才震輝二首

多少鄉閭閱後生自聞君訃最傷情
萱堂隨引歸長夜椿府無辭慰喪明

五賢禮說集為書共事多君屢起余惜也
修文何太遽每目編校淚沾裾

挽盧益山士誨

夫君家世傳儒閣德義風流譽
縉紳之子友實緣庭訓懿慈祥元自本心醇持身恭遜
交情俱不淺寒天哀淚剩

挽呂上舍允恕

恭謹持身孰似君天資穎悟早超群
家庭行義入無間泮

水言論世共聞自擬林泉優卒歲如何
宮壤遽修文交情姻契兩俱切題挽臨風淚濕裾

挽李處士天慶

先生門下共追隨四十年光隙駟馳落落
當時君器宇皤皤今日我鬚眉交情不逐
人情變心事寧隨世事移逝矣莫伸臨穴
願薤歌一曲淚雙垂

挽權松溪應仁

騷人襟韻清如許松碧溪寒靜晚風無意
世間名與競有愁燈下句難工生涯螢榻
書三卷身後苔階竹數叢

草堂斜日淚盈腫

挽朴君信廷璫

人所難焉我自優如君隱行信稀伴
一生全向江湖樂半

世相從士友遊鶴墅梅園多共酌
桃津洛水幾同舟當時
好事他時愴老淚山陽浩莫收

挽鄭僉知士銘

久矣知君思命駕承凶不覺淚潛然
處身鄉里真而率行
義家庭確以堅仁者謂能臻上壽
盛年何遽入重泉偏親
九十齋終養此恨無由訴彼天

挽裴上舍應哀

曾與高門里閉同
髫年交結兩難中
我於經術推賢伯公
有疑難問病儂性稟真
愈居守拙心存純
謹老愈恭白頭
盡失青春契衰淚淒風浩不窮

寒岡先生文集卷之一

